



洗塵

剪梅

丑扮黃士貴上

號衣號

帽順

王

師醒也旌旗夢也旌旗昨朝坡
苗也安逸漢也安逸

要洗苗夷



咱黃士貴昨日招降者儼寨程爺十分

歡喜取了坡要奪了磨形通了箐口又

給俺會印文檄入州通信這一解却州

圍官是有的做了正是勁草不曾為風

倒良苗也得受新曦下

黃鐘醉花陰

外扮明牧副淨扮鄒叅府上

小生扮黃亭目隨上作登城介外城外干

戈聲漸息鴉和雀飛鳴寨裡看田疇長荒

草看人戶剩殘籬副淨盼的是協鎮師早

到金湯地外呀雲山半颺紅旗呼原來霜

染秋林楓樹紫

外下官明安泰副淨下官鄒寬外久困

永豐救兵未到內無糧餉幸得紳士劉

在藩謝于瑄等議令各家米石概入神

倉每日按口支給外無救兵幸得李陞

榮馬玉高等督率鄉勇力守城池是以

未破若救兵不到也就難以支持了丑

上城上老爺聽知大兵會剿已過箐口

約于午刻進城外有何為憑丑印文為

憑外呈上來丑呈介外副淨閱介外謝

天謝地。大兵已到。分付合州耆老迎接。
入城。小生大兵已到。合州耆老迎接入
城。內應介曉得。

風入松

外副淨小生下城介外。響弓。楚斧。

擾軒。義與當。轍螳螂何異。天上鷹揚無處。
避。快收起。瑠弓。畫戟。預備下。玉液金卮。迎。

天討慶雄師。

俱下

一枝花

衆扮大兵。搖旗上。副末扮書鎮淨。

扮王協生扮程牧末扮崔令上。合。天末掃。

妖氛雲開初見。曰。山頭鳴牙。驥樹裡。貼鸞。

旗。電閃風馳。踏碎黃花地。出箐口。抵城池。

見多少。菜色鳩肌。都改作。歡容快意。俱下。

內鼓吹介開城介。襍扮難民出城跪接。

介外副淨出城郊迎介。大兵搖旗入城。

介鎗炮手墜伍入城介。弓箭手墜伍入。

城介。籐牌手墜伍入城介。生末下馬相。

會上馬入城介淨副末下馬相會上馬

入城介外副淨隨營進城介入衙介實

主坐介生末淨副末救援來遲獲各匪

淺外四位雄才大畧掃却蠻烟偉績豐

功實深感佩生圍城九月民有鳩形殊

深憐憫外酒宴齊備襍齊備多時內吹

打介排宴介外為副末淨生末按次把

盞介次為副淨把盞介副末淨生末為

外把盞外請免介坐介

仙呂八聲甘州合神怡氛消瘴熄華筵上

今日裡擘鱗包麋流霞泛蟻想起飲弱啖

屍都虧了兵丁枵腹戰苗夷纔能穀醉同

飛觴捧玉卮

梁州序副末播西搜剿遷延時日龍渡方

能合一淨壩陽失守幸得奪復荒基由椒

紫播東而進都虧了程刺史恩威並用

撫兼施生俺映雪囊螢士全靠着蚪鬚燕

領添威勢小生扮探子上探得勒帥行抵

巴陵隨到隨剿賊情窮蹙准于二十八日

進州副末再去打探小生得令下生大帥

旌旄天上至從此後姓瘴天太平世

起席介送客介俱下

錄功

似娘兒小生扮慶道上小旦扮內伺隨上

小生燕然石上姓名新馮羽扇揮却蠻氛

把七綰親擎把囊仙活捉才撤銅圍鐵陣

南天教月建微勳當丈全清洞洒焚勒

馬回頭天數定成功不是飛將軍下官

慶徠字迪齋滿洲正白旗人自從攻破

南籠現為行營總理八月十五日剿平

洞洒當犬。生擒囊仙七絕。格外庭
嘉。特放興泉永道。南籠雖定。永豐未
平。又隨。勅帥劉撫兼施。于二十八日
入州。住劄。清理一切。所有後路文武各
官。晝夜督兵。不辭勞瘁。已經錄呈。制
帥。以格提按。程明兩收。又將亭目開載。
請吾轉達。我想這些亭目。有何勞績。須
請二收相商。小同。請程明二收。小旦。程

明兩太爺有請。生外上。生更無兵甲見。
外仍作太平人。入見介。坐介。小生有事
請教。適開黃鳳岐王居仁等。有何勞績。
請道其詳。生那王居仁呵。

番馬舞秋風。生心起重圍。阻住苗蠻十萬
軍。保護多少性命。衆力成城。羣賊難侵。又
幫糧助餉。破多金。打死仗。督同子侄。把忠
悃。盡忘家不顧身。他現在龍渡江頭坐鎮。

小生是好的。是好的。這功績可以上達。

黃鳳岐呢。外黃鳳岐呵。

前腔外飛渡江濱。鈴轅告警。掃烟塵。破死
花江鏖戰。胸湧波濤。冲散苗氛。最可憐。
家五口見閻君。不污強暴。把網常盡。黃鳳
岐他拋妻。不舍親。負出重圍。叠陣。

小生黃鳳岐忠孝雙全。可以登錄。待我

據實開載。詳明。制帥便了。

解三醒小生瘴雨。天網常不素。干戈地節。

孝猶存。奮身欲試屠蛟。及竟不顧海濤深。

他無非祇父忠君事。這便是驚天動地人。

當呈進。西亭。目椿椿足據。我件件升聞。

節節高。生山荒道。義存碧球琳。翰光多在。

塵沙隱。只等到劫灰盡露奇珍。外苗興讐。

竟足為。幽巖冷谷。標英俊。蒙大人。荊州。

識聲名。振小生人。只要蟠根自勵。歲寒心。

乾坤為你作永霜因

二公就在此便酌生外先謝過

尾聲合人間何代無忠藎况涵育菁莪化

澤只恐怕瘴嶺雲崖尚有人

小生十萬貔貅掃劫塵生蠻天又享太平春

外嚴霜降後松筠生寥落方知物有真俱下

觀榜

副淨上一日歸王化丑上終身享罷

榮副淨下官毛羽丑你如何稱得下官

副淨堂堂毛把總難道還稱不得下官

丑那箇封的把總副淨勒帥放的你

也得了官還不知麼昨日三更因銅興

平定民情寧謐勒帥調任四川文武

官員出城遠送我也送了回來聽說剿

辦永豐各官。都有陞賞。現將功榜懸掛。
下江守府。係王居仁。我們上江守府。是
黃鳳岐。黃總爺。就住此間。快去稟見。
無有手本。副淨。我有手本在此。添上箇
名兒。便了。隨我來。

生查子。副淨。幼小。算年庚。生成的七品官。

兒命。這如今。金頂襯紅纓。不是槐安夢。俱

下

仙呂入雙調。步步嬌。小生上武畧文韜來。

邊境。才掃却妖氛。淨依然。見太平。獨是我

那妻呢燕子樓。空鴛鴦枕。冷。怎能毅鬢鬢。

牡丹亭。杜麗娘。再對還魂鏡。

焚餘山尚在。亂後屋全空。小生黃鳳岐。

入城以來。被圍日久。于八月二十七日。

程收解圍。二十八日。勒帥入境。斬者。

斬降者。降苗匪。肅清人民。安堵。只是俺。

的家在何處。妻在何處。定後思痛。好生
淒楚。

醉春風。風過軟香銷。露零柔玉冷。太平人
語。繡闌中。獨我簾兒靜。靜杏眼何存。柳腰
安在。鶯聲難聽。

副淨丑上。副淨來。此已是門上有人麼。

毛羽黃士貴稟見。生出介。是那個。原來
是毛黃兩把事。如何言稟見二字。副淨

總爺不知麼。勅帥陞任四川。臨去之

時。鼓勵微勞。將奏准。應陞各官。都開

列職名。懸示。總爺你陞了上江守府。我

們特來叩喜。叩頭介。小生扶起介。有這

等事麼。

迎仙客。小生宣薄力。受殊榮。要換上熊補

杭纓。水晶頂。脫藍衫。丟毛纒。收拾起寶劍

瑀巧。從此後。戲場官消磨了。文場興。

職名懸示那裡副淨現在州衙小生同

去看來副淨黃外委快給總爺拉馬丑

拉馬介小生上馬介

紅繡鞋小生纔出得茅檐草徑又來在王

砌槐庭果然見千佛經頭姓字馨好一似

戰棘圍懸金榜好一似題雁塔錄花名這

功名真徵倖

下馬介小生待我看來為鼓勵微績事

今將奏明陞賞職名開列於後

總兵書麇副將王格文光康士貴奏戴

花翎

知州程卓樑守備國琦奏戴藍翎

候補經歷崔琳奏陞知縣

守城知州明安泰參將鄒寬守備江濤

奏戴花翎並請將江濤加等以遊擊陞

用

另榜守城紳士謝子瑄劉在藩姜渭清
饒燦東等俱賞戴六品頂戴

另榜咨充上江守備黃鳳岐千總黃相
乾黃雯王文彬把總黃壽黃金益黃震
毛羽外委黃正清黃天明王嘉珠王嘉
勝黃如山黃士明黃士貴等咨充下江
守備王居仁千總王崇仁王志高把總
王際成王際中王際盛王紹茂外委王

襲祖王君命王珍仁王吉祖等俱准賞

給頂戴管理苗民妙呵

滿庭芳小生到如今簇簇紅纓晶球注水

繡補飛熊赴蜂衙還把雕鞍整我倒得了

官職我那妻呵玉碎花零我這裡衣冠輝

映他那裡棘墓淒清怎能覈披起霞冠舞

鳳向菱花寶鏡笑對晚粧成

毛把總黃外委回去波副淨丑拉馬介

上生上馬介

尾聲小生當修省時須修省行有成時名
有成這光榮竟在文中鳳還疑是黃梁幻
夢俱下

雪訴

黃鐘醉花陰外扮明牧上今歲山城雪花
早一霎時把蠻天壓倒穿竹徑來瓊島慢
踏飛花得見乾坤曉那去了萬山燒喜只
喜壓却蠻氛除蔓草

遠岫經霜銷瘴霧小亭煖酒看瓊瑤下
官明安泰幸喜妖氛掃盡依然耕鑿人
家戾氣除殘又是昇平世界連日各官

回省郊送之後。天色已晚。不免賞雪一番。襟扮內伺斟酒介。

喜遷鶯把官員大小。纔送在曠野荒郊。雪飄瓊樓玉沼。萬點梅花酒一瓢。向雪中權醉倒。只覺得香生口角。不管他玉綴眉梢。

困倦起來少睡片時睡介

出隊子旦扮女鬼上。荆門雪繞。向奴這夜。臺人飛不到。但則見瓊珠滾滾。樹頭拋蝶。

翩翩墓外飄。柳絮漫漫風內攪。

雪向黃泉飛去。幻魂從白地步來。遙奴黃羅代前。因這結被圍。全家死難。屍拋破屋。骨朽殘庭。幸梁欵面回。亭將奴埋。墓今日苗氛已熄。草寇全除。建績者封官。捐軀者賞卹。似奴蒲門死難。全未齒及。不免向州中走走。

四門子擁梅花碎玉。把烏雲攪覓山衙來。

玉沼把帕子來掀把亭子來照傍孤燈
人醉媛醪風兒又吹雪兒又飄竟把箇刺
史公被雪花埋了

明老爺呵奴黃羅氏死于非命容奴一

許呵

古水仙子 怨怨怨起羣妖把把把山

亭外團團困幾遭恨恨恨恨女流偏柳弱

花嬌難難難提兵把烟塵揮掃無無無

無奈他何勢越驕聲聲聲聲兒要將奴鳴

配鸞交這這這這才一家兒去登冥府道

幸幸幸幸得功成麟閣都封表單單單單

剩香魂雪地少人招下

外醒介人來末扮內伺上老爺有何分

諭外適才朦朧睡去見一婦人自稱黃

羅氏口吐悲聲眼流血淚不知何故末

黃羅氏乃這結亭目黃鳳岐之妻前日

謝劉二姓也曾說過為苗匪圍困一家

死難好不淒慘外這就是了明日書遍

旌表即令謝劉諸生前往以闡幽貞

尾聲何處香魂把亭繞夢兒中訴無聊一

睜眼雪花舖未掃

一夢閒亭雪正飄誰家女眷訴無聊

快闡幽德書金匾萬古爭傳節義高下

金旌

中呂粉蝶兒生扮吳生末扮劉生副淨扮

謝生副末扮姜生上合寨落蕭疎渡了些

淒清野浦登了些曲折山隅入雲墟穿玉

樹要向那梅村雲塢懸掛金書闡幽光表

松筠婦

生學生吳學孔末學生劉在藩副淨學

生謝子瑄副末學生姜渭清生昨因黃

羅代州衙托夢。訴說悲情。州尊憐念。貞操特旌死節。書了一亭霜。三箇金字。今奉刺史之命。前往這結掛匾。須索走起合走呵。

醉春風。生他。不惜嬌滴滴的身軀。俺豈辭

灣曲曲的道路。信步兒穿藤步石入雲途。

把眼前的數數。那不是者相人家。那不是

牛場古市。那不是這結亭屋。俱下

迎仙客。外扮黃亭目上南天歸化處。北

顯受恩。初邊亭一家沾雨露。小生冠

帶上帶履輝華門簪纓耀野屋。收起琴書

學擊戎兵鼓。

外今正元旦慶賀新年。曾言為國馳

驅果逢苗變。一家死難。父子猶存。好不

令人淒楚也。

紅繡鞋。外凋零盡空留幹蒂。踐踏殘。只剩

根株弔花魂何處覓貞妹欲懷孫雙跡歛
試嘗乳一庭虛甚方法喚轉來賢媳婦

內鼓樂介 襟扮院子上稟爺四位先生

奉本州之命前來掛匾外小生開門迎

接生捧官誥末捧花紅副淨副末拍匾

上放匾介外小生接官誥花紅介坐介

外四位先生光降未獲遠迎望祈恕罪

生好說老先生你看一亭霜三箇金字

令媳死在九泉之下也得瞑目了末他

坟在何處外隨我來拍匾同行介

鬪鶴鷄外才出得草舍蘧廬又來在霜戀

雪樹遥指着石磴松門這便是荆邱棘墓

小生跪介焚紙介我的妻呵你英靈從容

歸地府你膝下還攜着兩兒無外揖介兒

呵你拋下為父的去跨鶴凌虛全然不顧

生末副淨副末揖介

上小樓生可敬他女中丈夫藩籬自固末

半月裡不避鋒芒不畏雷霆不受沾汙副

淨力盡時共捐軀一家兒赴黃泉路副末

並將那啼哭的小哥哥顧也不顧

感感令外咳人生世上可怕只怕草木同

枯難只難山河並古他不過山花野竹不

為狂風拂竟蒙本州老爺書一亭霜三字

怎當得這三字書衆蠻徒倒全了清風嶺

婦

生末掛匾介

瑣意郎生末可敬他讓翁逃自己捐軀

條繩勒成了三字書千秋繫住常在雲墟

副淨副末供官誥金花介副淨副末羨松

標開成紫誥金花簇不凋品倒做了扶桑

樹

禮畢外天色已晚請回寒舍生又要討

擾同行介

尾聲合一步步下層台別雲墟轉眼問到

村廬一回首蒼烟暮靄遮林樹剩不多的

夕陽紅還照在一亭霜三字金書處

生栢節松操世上無副特書金字表邱墟

外人間播得芳名在合千古爭傳女丈夫俱下

續緣

南呂天師引老旦背包袱扮梁嬈小旦帶刀

扮玉香上合走呵梅村柳塢春生脚望雲

山翠抹藍拖烽烟息塵氛乍落人心定天

氣初和蘭階日煖標梅作要去尋七夕喜

鵲何處是萬里銀河為薦蘿繞遍巖阿

老旦焚餘桃李小旦亂後烏鴉

樹上知老旦老身梁王代這是女兒玉

香祖居幕役司。丈夫早死。生有二子。一女。長子卜散。因次子卜松不法。自住花江。後卜松遭誅。就同女兒在花江居住。女兒玉香。曾與黃郎有婚姻之約。近聞黃郎得受官職。將娶陳氏為妻。恐有罷親之意。今以寶刀為據。前往者。結走走。

感感令老旦為性命解劍留玳得名辭
婚契約副淨上下官毛羽丑上也是箇下

官黃士貴副淨。晦氣晦氣。我們住在長茅。接總爺到任。誰想隔壁接親。吵了一夜。未曾睡着。見老旦小旦介。興頭興頭。咱老爺今日到任。就有遞紙的。丑。待我問他一問。那媽媽來此何事。老旦。尋這結黃鳳岐。丑。私語副淨介。你看此女。好似青樓模樣。莫非總爺欠下嫖債。被人來討。果有此事。正有玷官箴呢。副淨。媽媽尋他何事。老旦。你

問他麼。他曾聘定小女為婚。不來迎娶。都
只為蔡郎情薄。怒把琵琶。看薄倖。竟如
何。難道說將俺。躬副淨有何為憑。老旦留
寶刀。權當作衫襟。剪割。

副淨私語丑介。原來總爺定過此女。想
是忘却。你我作件好事。成全這段婚姻。
罷丑怎樣成全。副淨就借長茅這頂花
轎。抬送者。結便了。你去借轎。我將他母

女勸留在此。丑如此甚好。正是果得偕
魚水。何妨作斧柯。下副淨媽媽休怪。黃
爺已擇良辰。前去抬親。老旦那一日。副
淨就是今日。老旦為何無信。副淨想是
錯過了。內鼓樂介。襍執燈球火把。並扮
轎夫抬轎上。副淨說着就來了。請夫人
上轎。上轎介。繞場下。老旦隨下。丑作得
好。作得妙。美人天上落。鸞凰此夜交。鑿

破芙蓉殼。你看紅纓白馬。敢莫是總爺
來也。大家迎上去。俱下。

宜春令

襍扮苗把執鞭棍上

小生上

除

鑽解干戈。喜功成人人凱歌。

俺隨團羅雀。

金花也把晶球托向。

仁天敬念彌陀願。

萬世刀兵不作。

丑副淨上跪接介上江把

總外委接總爺駕。小生下馬介。有何得能。

敢勞遠接。丑禮應遠接。就請總爺上馬。良

辰喜事。等總爺拜天地呢。小生今日拜銓

記。非拜天地呀。丑總爺入宅。便見分曉。小

生上馬介。語朦朧。把木篆遙頌。你藍橋下

過。

到介下馬介。外上小生見。外介。外吾兒

回來了。先拜天地。先拜印篆。小生接過

印篆也。須拜謝天地。外香燭伺候。丑副

淨拍香案介。末扮禮生上贊禮介。小生

拜印介禮生念介鳳凰飛出鳳凰窩一
對雌雄配不認魚水和諧琴瑟好蘭孫
桂子滿堂多老旦扶小旦蓋頭上小生
這是那裡說起同拜介拜老旦外介交
拜介小生私問丑介這是誰家女子丑
原來總爺忘了總爺身邊那把刀呢小
生是了曾留玉香為聘日思羅氏竟將
此事忘却外如今成親接筵喜事重重

答謝天地便了外小生小旦拜天地介

會河陽外月裡嫦娥遠降祥桐帶下蟾宮

紫桂多願將桂子繁生盡植高科小生五

品官才把藍衫脫誰想到倚紅粧把齊眉

得外怎能毅起黃泉把榮華樂

尾聲合昔日一亭霜今日合家樂寄語樂

哥哥休忘了霜中松柏

外十萬頑苗逞眾多小生天兵到處息干戈

小旦一亭霜為標忠節
合不是尋常子弟歌
俱下

窺報

中呂過曲別銀燈
外便衣上遭劫數蒼黎
血濺完塵夢荒街意倦
怕風波宦海思登岸
出危地倩人接篆烽烟
賺花翎色鮮添一眼
把民情細觀

宦海風波恰一年
倦飛雲外鳥思還可
憐
寒落渚殘盡剩有圍城
四面山下官
明安泰除夕幻夢劫
灰果灑於南天小

醜跳梁烽火初消於勒馬孤城被困幾
度驚魂倦鳥思還初能卸篆前蒙制帥
勒憫倦守城勞瘁奏賞花翎遷鎮寧
知州撤回內地今于十二月初二日新
任古山接篆只得撤出衙署移寓城隍
廟內作起更介交卸之間百端交集再
難睡着紙窓有孔看看天色呀城隍殿
上燈燭輝煌是何緣故原來城隍坐堂

待俺看來傍坐介作隔牕窺傘

仙呂點絳脣

生蟠龍紗帽蟒袍玉帶扮城

隍上襍扮判官小鬼隨上

生孽海波安塵

緣劫散男和女喜地歡天鄉雲荒徼見

青城山下碧琅玕鐘鼓聲催午夜寒珍

重人間諸孽海回頭還到此中看俺永

豐城隍職司冥牧查永豐一邑孽冤報

盡滿地屍橫塵劫揮殘一犁雨潤今將

忠臣節婦。繕就詳文。申送森羅殿。你看
忠魂節魄。搖擺來也。內作細樂。襍扮仙
童執幡上。淨扮王協。格外扮鄭收德。佩
小生扮曹州同艾末。扮周守偈斌。副末
扮張守偈文貴。副淨扮趙千。總廷棟作
鬼魂上。生拱立。介。俱下。生看他忠魂凜
凜可敬他。

耍孩兒。國家事。重身家。賤都是些天生的。

赤胆原不求死。後姓名傳。或積勞瘁。卧病

難全。或與城俱碎。啣鬚戰。或力敵山頭性

命。捐知赴難。不知避難。到如金歸位。星躔

前腔。襍扮仙童執幡上。老旦扮江母。衆旦

扮婦女上。生拱立。介。俱下。生。此江濤老幼

守府衙內。俱被苗難。好不淒慘。蠻烟瘴雨

隨微宦。流許多望鄉的淚眼。又誰知烽火

起南天。老慈母血染龍泉。妻孥姊妹頭雖

幽翠袖紅裙手尚牽老和少携持不散一
家兒死尚團圓下

前腔襍扮仙童執幡上旦小旦扮妻妾上

生換立介俱下生此曾分州妻妾俱被苗

難好不悽慘柳眉杏眼芙蓉面怎禁得壓

枝的雪片歎殘紅灑落玉階斑一霎時玉

冷香寒打頭風過桃花亂殺木霜來玉樹

殘妻和妾冰姿血賤真作了薄命紅顏下

前腔襍扮仙童執幡上衆扮紳民陸焜吳

學灝王林徐志仁上生立介俱下生此都

是遇難的好不悽慘茅檐蔀屋竹籬院鄉

裡人曉甚麼死難未必能碎首保城垣蠻

氛起竟敢身先或螳螂當轍將賊戰或旆

雁啣書把信傳臣力盡黃沙命染他尚在

怒髮衝冠

前腔襍扮仙童執幡上旦扮黃羅氏携小

生小旦上老旦扮梅姐隨上生立介俱下

生黃羅氏也是一家被難好不悽慘猥軍

犵馬圍亭畔聞風兒愛他的嬌艷硬逼他

錦帳效顛鸞因此上誓死投環玉貞不顧

清風險渤海何辭智井寒一條索三條命

斷尚淚眼相觀

前腔襟扮叛苗男婦披髮跑上副淨丑扮

牛頭馬面舞叉趕下生妙哇好端端的吹

笙跳月把唐虞叛整人家開成箇稀爛到

如今地獄受熬煎再休題錦地震天水山

凍破攻城胆烙柱燒焦放火肝十八層一

層不免都只為附合囊仙

判遭劫冊內一一點完生封文申送便

了正是自有光天榮草木何須孽海起

波瀾俱下外好怕人好怕人俺纔知盡

忠盡節果躋天堂殺人燒人終歸地獄

何不將此眼見之事告知後任填詞數
摺以警塵凡

商調山坡羊俺只說冷幽都刑明事幻杳
茫茫一派虛無誕誕鬧吵吵世事繁多
亂紛紛何處施割斷才曉得幽真把案早
完陰司吏辦陽間案地下人升天上官褒
賢忠臣節婦邀天眷懲姦叛逆陰刑較更
嚴



